

دائرة مخصوصه

در سعادتده باب عالی جوارند.

محل اداره :

مشرط القلم

اخطار :

مسلكمزه موافق آثار جديده مع المنوبه
قبول اولنور

درج ابدلته بن آثار اعاده اولنور

دبير، فلسفه، علوم، حقوق، ادبيات و سياستنامه و باطلاحه كرك سياسى و كرك اجتماعى و مدنى احوال و مشوره اسلاميه و در بحث ايدر و هفته ده بر نشر اولنور.

آبونه بدلى

سنه لكى

التى آيلنى

ممالك عثمانيه	ايچون	٦٥	٣٥	غروش
روسيه	»	٦٥	٣٥	روبله
سائر ممالك اجنبيه	»	١٧	٩	فرائق

صاحب و مؤسسلرى :

ابوالعلا زين العابدين - ح . اشرف اديب

تاسيخ تاسيسى

١٠ تموز ٣٢٤

در سعادتده نسخه سى ٥٠ پاره در

قبرله دن مقوا بورو ايله كوندريلىر سه سنوى
٢٠ غروش فضله آلنير

عدد : ١٠٤

٢٦ شعبان ٣٢٨ پنجشنبه ١٩ اغستوس ٣٢٦

دردنجى جلد

صیقیشوب، مرحمتسز قاما قلبی یارار و تورککده اولزمان - الله
اسیرکه سون - صوک نفسی و یرمش اولور...

آ. ی

هاسه . - « تعارف مسلمانین » ک کچن هفته کی نسخه سنده، ه. ت
امضاسیله بکا خطاباً یازیلش بر مقاله واردی. محرر بکک « صراط مستقیم »
حقنده کی طاتلی سوزلردن، غزته هیئت تحریریه سی البته غایت ممنون و متشکر در.
بکا ایدیلن اعتراضلره کلنجه، اعتراف ایتمییم که نقطه اعتراضی ایجه آکلایامادم.
ناچیزانه یازیلرمد، دائماً وعظ و نصیحتدن قانچمق ایسترم، انجق وقایع تاریخیه یی
المدن کلدیکی قدر تشریح ایله اسباب و نتایجی بر برینه ربطه چالیشیورم.
« آلمانیا، انکلتزه، تورکیه و عالم اسلام » ده بواسولی تعقیب ایتم، صانیوردم.
ه. ت بکک اعتراضلری اوزرینه، اولره بردها کوز کزدیردم. کوردم که
صرف شمعی به قدر اولوب کچمش شیلری یازمش، هیچ ده « آلمانلره محبت
ایتمیه، اولرک آغوشنه آتلیه وعظ و نصیحتده » بولنامشم. انجق دیشم که
کچن ربع عصرلق بر زمانده آلمانلر، کندی منفعتلری ایجابی - دقت بویورلسون:
کندی منفعتلری ایجابی دیورم - انکلتزلردن ده زیاد دوات عثمانیه به عالم
اسلامه فائده لی اولشلر. و بوددی بکمی وقایعدن استخراج ایتمشم. ایشته اوقدر.
ه. ت بک طرفندن ذکر اولنق شرفنه مظهر اولش اوج بش سطرده،
مقاله ده مطلق اوله رق ذکر ایدیلور: « آلمانلر مسلمانلری کندیلرینه مساوی
عد ایله یوب اوکا کوره معامله ایدرلر... الخ » جمله لردن اول « مسلمانک
اوروپالی به ایصینامه سی هرشیدن اول... کندیسی آدم اوغللرینک هر برینه
« مساوی و حر بر انسان حساب ایلرکن مادون واسیر معامله سنده دوجار
« ایدیلر سندنر. آلمانلر احوال مبسوطه یی کوروب آکلاملر (بوندن
استفاده به مسارعت ایله مشلردر: « دنیلور. مذکور جمله لردن بر آرز صوکره
ایسه « انکلتزلی الک زیاده تلاش و یرن، آلمان سیاست شرقیه سنک...
« قوه اسلامیه یی تبحار و صنعتکار دولتر علیه قولا نغ ایسته مه سی اولمدر »
دنیلور. مقاله نک تا باشنده: « بوکون دنیانک ایکی الک بیوک دولتی عثمانلی
« و مسلمان یورغانی اوزرینه غوغا ایتمکده درلر » و دیگر بریرنده: آلمانلر
« یقین شرق حقنده کی پروغراملری صوکنه قدر تطبیق ایدیه بیلیمک ایچون، دولت
« عثمانیه یی ضعیف لاندیرماق، بالعکس تزیاید قوت و سطوتنه چالیشمق لازم کیوردی »
دنیلور. آرتق بوقیدلر وارکن، اوجه لردن آلمانلر مسلمانلری، هیچ بر
غرضسز سوه درلر، کندیلرینه مساوی کوریرلر حتی مدافعه ایدرلر معناسی،
بیلیم، چیقاریله بیایوری؟

آ. ی

مکاتیب

از میرده:

صراط مستقیم جریده معتبره سی اداره خانه سنه

حکومتک بازار کونلری ده موقه یوم تعطیل اتخاذ ایتمی اوزرینه
جریده محترمه کزک بحق ایتدیکی اعتراضلر بالمله اهل اسلامی
نه درجه مسرور ایدیورسه، الا آن بوتعطیل کونلری حقنده مصیب
برقرار و یرلمه سی اوقدر بادی تأسف اولویور. استانبولده هیچ
اولزسه جمعه به یوم تعطیل نظر یله باقیلیورسه ده بوراده ایام سائرده دن هیچ
فرقی یوقدر. از میر بر تجارت شهری اولدیغندن بو خصوصده الک
زیاده علاقه دار اولان تجاردر. حالبوکه بتون اسلام و خرسه تیان
تجار تخانه لری جمعه کونلری کیجه یاریلرینه قدر آجیق اولدینی حالده
بازار کونی الک تجارتگاه محللرده بر فردیله کوریه من. اوکون هر کسک

رفاه و استراحت کونیدر، عموم ایشدن چکیلیر، بالمله مسلمان الک یکی
البسه لری نی تلبس ایدرک مسیره لره هجوم ایدرلر. حتی قونییه و آناتولی نک
سائر مالکیندن کلن حاللرک بیلر بوعادته بالمجبوریه تبعیت ایتدکلی
کوریلور که حیثیت ملیه و تعصب دینی به نه قدر جریحه دار و بتون
قلوب حیتمندانی نه درجه داغدار ایتدیکی وارسته ایضا حدر. بوعادت
مقدوحه نک رفی ایچون ده هیچ بر نشبت و قوعوبلیور. بوکا اولدینی
کی هر خصوصده مطوعاتک دلالت ایتمی لازم کیلرکن - روجه
غزته لرینک بیلر اکثری بازار ایرتسی کونی نشر ایدلر کی حالده - ترکیه
جرائدن برندن ماعداسی بازار کونلری عمله و محررینه (قونزه)
و یردرک بازار ایرتسی انتشار ایتدکلرندن بویله بر امر خیره دلالت
اجتسار ایدیه میورلر.

و بتون بومناسبتسز لکلرک سبب حقیقیسی: کمرکلرک بازارلری
مسدود و بناء علیه جمعه کونلری عالمه کشاده بولنمیدر. بوکونلر
تبدیل ایدیلر جک اولورسه بوچیرکین حالده طبیعتیه نهایت بوله جفندن
حکومتک جلب نظر دقتی ضمننده رساله مبجله کزک توسطی بالمله
حیتمندانک تفریح قلوبنه بادی اوله جنی طبعیدر. ذکی مدحت

کرمیرده:

صراط مستقیم جریده اسلامیه سی هیئت تحریریه سنه

قال النبی صلی الله علیه وسلم: « المؤمنون اخوة والاسلام یعلو
ولا یملی علیه » بیک کره آمنا و صدقنا. زمان بعثت حضرت نبویدن
بوعصره قدر « انما المؤمنون اخوة » ذیه ایشیدوب طور دیغمز حالده
مع التأسف معناسی آکلایمیه رق و روح اسلامیتی حس ایتیه یرک، اتحادی
تفرقه یه، اخوتی دشمنانه قلب ایله هیئت جامعه اسلامیتی محو و پریشان
ایتدک. اوت، تکرار ایدرم، بر برمنله اوغراشهرق افق سعادت
اسلامیه یی قاره بولوطلرک قابلا مسنه سبب اولدق. افسوس که بوبلای
کندمن دعوت ایتدک.

بیلنمز نیچون اتحاد من بویله اختلافه، اخوت من بویله نفاق و شقاقه
دوندی. عصرلردنبری مسلمانلر یکدیگرندن جدا دوشهرک آواره
قالدیلر، هیأت اجتماعیه من صاریلیدی، حیات اسلامیه من رخنه دار اولدی.
برطاقم موهوماتله صفحه بیضای اسلامیتی قارار توب کندمنی بوحاله
دوجار ایلدک. افسوس که بویله یایدق.

جزیره العربدن ظهور ایدوب خارق العاده بر قوه مقناطیسیه
ایله آرزمانده یوزلرجه اقوامی، بیکلرجه قبائلی، ملیونلرجه افرادی
دائرة عدل و احساننه طوپلایه رق عظیم بردولت تأسیس ایدن مسلمانلرک
عصرلرجه شوکت و سطوتلری دوام ایتدی، ترقی و هیئتلری جهانی
قابلا دی، لوی محمدی بتون آفاق عالمده موجه نما اولدی. مسلمانلر
ارضک هر هانکی نقطه سنه آباق باصدیلرسه اوراسی بر دارالجنان
اولدی، ظلمت شرک ایله قاورولان مملکتلری نور حقیقتله مستغرق
سعادت ایلدیلر.
نه غریبدر که صوکره بتون بوشوکت و سطوتلر سوندکن بشقه